



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

IV. Bischof Hermann genehmigt die dem Convent der büßenden
Schwestern zu Prenzlau am 7. März 1250 vom Herzog Barnim gemachte
Schenkung, im Dezember 1251.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

III. Markgraf Johann bestätigt der Stadt Prenzlau nach deren Uebergange unter seine Herrschaft ihre Besitzungen und Rechte, am 18. Januar 1251.

In nomine sancte et indiuidue trinitatis. Johannes, Dei gratia Brandenburgensis Marchio, omnibus in perpetuum. Acta presentis temporis deperire solent in futurum, nisi firmentur Subsidio literarum. Etenim cum ex resignatione dilecti consanguinei ac fidelis nostri, Domini Barnimi, illustris Sclauorum Ducis, ciuitas Prinzlau, que ab ipso fundata fuit, nostre nunc dicioni subiecta noscatur, nostra interest, eiusdem ciuitatis utilitatibus ac commodis omni sollicitudine prouidere. Harum ergo inspectione propensius elucescat tam presentis, quam futuri temporis hominibus vniuersis, quod nos supra dicte ciuitati nostre Prinzlau, postquam ad nos peruenit, assignauimus Ducentos et Quinquaginta mansos, Ducentos ex vna parte aque, que Vkeram uocatur, in illa uidelicet, in qua ciuitas est constructa, et trans Vkeram quinquaginta, eo tamen pacto, ut de mansis eisdem, eandem in festo beati Martini soluant ex integro anni pensionem, quam antea soluere consueuerunt, que de quolibet manso dimidius ferto fuit. Addimus insuper preter agros cultui aptos, loca quoque palustria, ciuitati uicina, et hec ad pascua deputamus, Item idem ius, Magdeburgense uidelicet, quod dicte ciues ciuitatis hactenus habuisse noscuntur, ipsis etiam in antea indulgemus. Eandem etiam habebunt in totius terre nostre districtu thelonei libertatem, quam habent illi de Brandenburg et de Berlin aliarumque nostrarum communio ciuitatum. Ad hec omnia nunc de nouo utilitatj eiusdem adicimus ciuitatis, ut Theatrum et quecunque in ipso edificanda duxerint, in usum ac commodum ciuitatis ipsius redigant et conuertant. Similiter et stagnum adiacens, quod Vkerse uocatur integrum, et medietatem stagni, quod Meln dicitur, ad emendationem donauimus ciuitatis. Ligna quoque suis necessitatibus oportuna Secare licenter et afferre poterunt ubicunque in partibus illis attingere ea possunt. Vt autem hec premissa fixa perpetuo maneant atque firma, presentem paginam super eo conscriptam sigilli nostri appensione duximus muniendam. Presentibus fidelibus nostris Gerardo de Kercow, Friderico de Bertecow, Alberno Marscalco, Heinrico Pincerna, Heinrico Aduocato de Stolp, Heinrico de Stegelitz, Johanne de Benitz, Borchardo de Gnewkow, et aliis quam pluribus militibus atque seruis. Datum per manum Johannis Plebani de Stolp, nostri tunc Notarij, Anno M^o. CC^o. LI. Indictione IX. XV. Kal. Februarij.

Nach Beckmann's Abschrift des Originals. Diese Urkunde ist nach den bisherigen Abdrücken immer dem Jahre 1252 zugeschrieben worden.

IV. Bischof Hermann genehmigt die dem Convent der büßenden Schwestern zu Prenzlau am 7. März 1250 vom Herzog Barnim gemachte Schenkung, im Dezember 1251.

Hermannus, Dei gratia Caminensis ecclesie electus, Omnibus presentem paginam inspecturis salutem in eo qui neminem vult perire. Ad hoc Deus et Dominus noster in ecclesia

sua constituit Principes et Pastores, ut per se intendant operibus pietatis et non solum in aliis, qui locis religiosis sua liberalitate contulerunt, verum et ipsimet ipsis committi sibi Studeant fieri formam gregis, loca religiosa locupletantes, cum fieri potest suo munere et favore. Hinc est quod venientes ad nos dilecte in Christo filie Priorisse et conventus fororum penitentium in Primislave nobis humiliter supplicarunt, ut Privilegium sibi ab illustri Duce, domino Barnim de Stetin traditum et donatum nostre dignaremur auctoritatis munimine roborare et est ipsius Privilegii tenor talis. (Hier folgt die Urkunde No. II.) Nos autem eorum vestigiis inherentes, qui iustis petitionibus pium prebere consueverunt assensum, considerantes etiam, quod ex dicta donatione Status dictarum fororum, temporalium adjumento poterit emendari, eam auctoritate nobis a Domino tradita confirmamus, Salvo tamen in omnibus jure nostro nostrorumque successorum et prepositi, qui in Spiritualibus tanquam noster vicarius nostram vicem gerere comprobatur, sub anathematis interminatione districte inhibentes, ne quis sepe dicte donationi nostre confirmationi ausu temerario se opponere et dictas forores super ea audeat molestare si omnipotentis Dei et beati Johannis Baptiste, cujus vices in terra gerimus, ingratitude et excommunicationis sententiam voluerit evitare. Datum in Dargum, Anno gratie MCCLI, mense Decembris.

Aus Beckmann's Handschrift.

V. Der Bischof Hermann von Camin bestätigt einen Vertrag der Bürgerschaft und der Pfarrkirche, worin der letztern anstatt der angeordneten Geld- und Getreideabgaben 2 Hufen Landes zugeeignet werden, am 30. August 1253.

In nomine sancte et individue trinitatis, Nos Hermannus, Dei gracia sancte caminensis ecclesie electus, Notum esse cupimus, tam presentibus, quam futuris, quod eius de prinzlau pro recompensatione modiorum et denariorum, qui secundum ordinationem Domini Marchionis Johannis de Brandeburch et nostram, ecclesie parochiali libere ac integraliter dandi erant, de consensu nostro duos mansos cum omni jure plene ac voluntarie eidem ecclesie tradiderunt. Hanc profecto commutationem ratam habemus et plenissime confirmamus et ne infringi aliquatenus valeat tempore procedente, sigilli nostri munimine eandem duximus roborandam. Facta est jam dicta commutatio in dockowe, anno, ab incarnatione Domini M^o CC^o LIII^o III kal. Septembris presentibus honestis viris, Nobilibus et discretis, quorum nomina sunt hec: venerabilis Dominus Wilhelmus quondam camjnenfis ecclesie episcopus, Dominus Henricus de Kocstede et Dominus albertus frater suus et Dominus burchardus de ueleuanz et frater Alexander de prinzlau, et frater Fridericus ejusdem predicator, Sifridus de cozwic, Bertoldus prefectus, Fridericus de grappenstede, et alii quam plures jam sepe dicte ciuitatis burgenfes presentes interfuere compositioni.

Nach Beckmann's Abschrift des Originals.